

淵
穎
集
六



淵 穎 集

(六)

吳 萊 撰

王雲五主編

叢書集成初編

淵 穎 集

六 冊

中華民國二十六年十二月初版

撰 者 吳 萊

發行人 王 雲 五
長沙南正街

印刷所 商務印書館
長沙南正街

發行所 商務印書館
各埠

徐

淵穎集卷十

方景賢宋景濂夜坐觀吳中雜詩遂及宣和博古圖爲賦此

壯歲何心老一儒東游飽食有江鱸

〔蘇軾賦〕狀如松江之鱸

詩宗鶴膝蜂腰體

〔詩苑類格〕沈約曰詩有八病三曰蜂腰謂第二字不得與第五字同聲如聞君愛我甘切

飲自修飾君甘皆平聲切飾皆入聲也四曰鶴膝謂第五字不得與第十五字同聲如客從遠方來遣我一書扎上言長相思下言久離別來思皆平聲

禮象龍頭豕腹圖

〔禮〕夏后氏以龍勺〔注〕龍頭也用挹六彝之鬱以注圭瓚〔韓愈

石鼎聯句詩〕龍頭縮菌蠢豕腹漲彭亨

三士操琴知爾達

〔琴操〕三士窮操者其思革子之所作也其思革子石文子叔愷子三人相與爲友聞楚王之賢而好士俱往見之至於巖巖之間空柳之下衣寒乏糧自度不得俱活二人俱以其

思革子爲賢推衣糧與之遂凍餓而死其思革子往見楚王楚王旨酒嘉肴設鐘鼓以樂之革子愴然有憂愁之意援琴而鼓之作相與別散之志王聞曰琴何悲哉革子推琴離席長跪流涕而對楚王曰嗟乎乃如是耶於是賜革子黃金百斤命左右棺斂收二子而葬之

以革子爲相

八公遺藥忍吾懼

〔神仙傳〕漢淮南王劉安者高帝之孫也篤好儒學兼占候方術作內書言神仙黃白之事名爲鴻寶愛道術之士有八公詣門皆鬚眉皓白聞人不敢通八公曰王薄吾老今則少矣言未竟皆變爲童子門

吏大驚走以報王王跣而迎之登思仙之臺張錦帳燒百和之香進金玉之兒執弟子之禮朝夕朝拜遂授王玉丹經三十六卷於是齊被伍被獲罪恐誅乃誣告安謀反八公謂安曰可以去矣乃使安登山大祭埋金地中即白日昇天臨去時餘藥器置在中庭雞犬舐啄

之。盡得昇天。故雞鳴天上。犬吠雲中。吳中勝處多朋故。話盡寒宵燎葉爐。

溪行望故友黃明遠槐塘新墓

往代衣冠日已賒。故山棺槨此爲家。

〔莊子〕莊子將死。曰吾以天地爲棺槨。

經荃義關中州魯。

〔按〕先生本集。黃隱君哀頌辭云。巖南公嘗一再攜予詣隱君。賀春秋。已而予授

其孫迪舉。且盡發其春秋公穀。舉傳論及三代。用正日夜食之辨。

樂調辭譏下里巴。

〔又〕隱君嘗考古今諸家所賦詩。上起漢魏。下迄於六代。陳隋而止。唐以來古體之作。一變今體。不盡錄也。間則致書巖南公。有古今體樂府之辨。〔宋玉

對楚王問〕客有歌於郢中者。其始曰下里巴人。國中屬而和者數千人。

涕淚無從餘宿草。

〔禮〕朋友之墓。有宿草而不哭焉。

文章可惜等風花。嗟茲便欲酬雞絮。

〔後漢徐穉傳

注〕謝承書曰。穆諸公所辟。雖不就。有死喪。負笈赴弔。常於家豫炙雞一隻。以一兩綿絮漬酒中。暴乾。以羹雞。徑到所起塚境外。以水漬綿。使有酒氣。斗米飯白茅爲藉。以雞置前。醴酒畢。留臘則去。不見喪主。

目駐前溪有落霞。

浦陽十景

〔寰宇記〕唐天寶十三年。析義烏縣北鄉。及蘭溪縣東二鄉。富陽縣一里。置浦陽縣。以縣南界有浦陽浦爲名。〔水經注〕浦陽江導源烏傷縣東。逕諸暨。與澄溪合是也。至五代時。錢鏐與楊行密爲仇。凡屬地與楊同音者。悉奏改之。

而浦陽稱浦江。〔按〕志。今屬浙江金華府。

仙華巖雪

〔按〕志。仙華山在縣東八里。一名仙姑山。又名少女峯。相傳軒轅少女於此上昇。故名。高一百五十丈。上有五峯。東溪之源出焉。

手倚晨屬一渺漫。山神擁出玉嶺岈。光侵道者祠星室。

〔東陽志〕軒轅少女於此上昇。故名少女峯。舊有壇宇在其下。

跡破樵家斲藥壇。石笋

撐空穿宿膜。

鄒東白游仙〔華山記〕巨石林立。其最高峭者五峯如指狀。峯削插天。

天機纖素掛餘寒。

〔又〕第一峯最高。頂方三五丈。有異草如絲縷狀。生峭壁上。舊傳爲仙姑麻苧之遺。土人每攀爲續紡之祥。

俄然喚醒西南夢。怕作松州徼外看。

〔元和郡國志〕松州嘉城縣東八十里。有雪山。春夏常有積雪。〔按〕志松州今屬四川。置松潘指揮使司。領土司。

白石湫雲

獨上南山最上頭。朝隴一點便成湫。

〔詩〕香令蔚兮南山朝隴。

巖腰動石風初起。海眼輸泉雨欲流。

〔成都記〕石笋之下是海眼。泉從石中出。

蜥蜴含珠光照夜。

〔爾雅翼〕蜥蜴似蛇而四足。其狀如龍。霖雨用之。古法求雨。坊巷各以大甕貯水。插柳枝。泛蜥蜴。使青衣小兒環繞呼曰。蜥蜴蜥蜴。與雲吐霧。降雨滂沱。放汝歸去。

靈隆捲鐵黑沈秋。

〔淮南子〕季春三月。靈澤乃出。以將其雨。〔注〕雷神也。

明當去挾騎龍叟。

解見夢巖南老人。

直到扶桑第幾洲。

扶桑。解見送鄧獻可。

龍峯孤塔

〔按〕志龍峯山在縣東一里。高三十丈。上有三峯相屬。環顧縣左。

老眼前頭尺五天。

〔西安志〕樊川有章安石別業。名章曲。章曲之東有杜岐公別墅。語曰。城南章杜。去天尺五。〔杜甫詩〕爾家最近魁三象。時論同歸尺五天。

眞龍角上正攀緣。規撫白馬

馱經過。

〔魏書〕漢明帝遣蔡愔、秦景等使於天竺，寫浮屠遺範，附之還也。以白馬負經而至，漢因立白馬寺。

想像玄鰻護塔眠。

〔呂祖謙入越錄〕報恩光孝寺後飛來山，其顛南塔，采絢甚華，塔下有鰻井，乃小石竅，自唐

以來，神之謂鰻，能時出妖祥，近世不復見矣。〔按〕別行云：有四種龍，一天龍，守天宮殿，持令不落者；二神龍，興雲致雨，益人間者；三地龍，決江開瀆者；四伏藏龍，守輪王大福人藏者。

梵唄將回知磬絕。

〔法苑珠林〕陳思王曹植每讀佛經，輒

流連嗟賞，以爲至道之宗。嘗游香山，忽聞空中梵天之响，清雅哀婉，竊聽良久，乃摹其聲節，寫爲梵唄，撰文製音，傳爲後式。梵音顯世始於此。

神珠欲隕見燈懸。

〔莊子〕千金之珠，必在九重之淵，而麗龍領下，能得之者，必遭其睡也。何

妨宴坐初禪界。

宴坐，解見嶺南六祖藏髮圖。〔法苑珠林〕彼初禪內有覺觀火擾辭，故外爲火災燒。

蟻蝶紛飛卽大千。

〔宋玉小言賦〕憑蚋臂以顧盼，附蟻蟻以遨遊。〔爾雅注〕蟻蝶，小蟲似蚋，喜亂飛。

〔法華經〕佛以恆河沙等三千大千世界爲一佛土。

寶掌冷泉

〔按〕志：寶掌山在縣北八里，與仙華山相近。山前雙峯列峙，沿澗奇石，若虎豹狻猊，鐘鼎刀戟，上下錯列，復有玄巖湧出，類翩躚飛舞之狀，亦名飛來峯。峯下有泉甘冽，唐貞觀中，寶掌和尚西域人，生於周末，來遊東土，至此

巖下誦偈，有行盡支那四百州，此中偏稱道人遊之句，遂結茅爲庵，晏坐十七年，一日屈指已一千七百三歲，語其徒惠雲曰：吾將謝世矣，端坐而逝。

乍撥山亭木葉堆，老僧千歲喝巖開。

〔徑山事狀〕大師諱法欽，吳郡崑山人，姓朱氏，挂錫徑山，永泰中，師坐北峯石屏下，見白衣儒士拜於前，自言中子山人，長安佛法有難，聞師道行高邈，願度爲沙彌，往救，師曰：

汝有何術，對曰：我誦俱胝觀音咒，其功無比。師曰：吾坐後石屏，汝能咒令破否？曰：可。遂叱之，石屏裂爲三片。今謂之喝石巖，師知神異，爲去髮給衣，賜名惠崇，至京師，與衛士競，惠崇告勝云。

天從白石雲根出。

〔張協詩〕雲根臨八極。〔注〕雲

根石也。雲觸石而生。故曰雲根。

地帶青泥雪髓來。

解見觀沈
玠續仙傳

竹影自深斜曛月。魚腥不到半凝苔。世間夢渴知多少。可待金

莖露一杯。

金莖。解見嶺南宜濠子。

月泉春誦

〔謝翱月泉遊記〕月泉在浦江縣西北二里。故老云。其消長視月之盈虧。〔按〕志。宋政和三年。縣令浚泉構亭。咸淳間。知縣王霖龍建月泉書堂。立朱呂二先生祠於泉亭西北。齋序直舍。祭器廩米。公廚井堰咸具。元置書

院山
長。

古木叢中息世誼。老生力學掩溪門。危絃未絕人須聽。蠹簡多忘我欲溫。白兔流光分石色。蒼龍擁沫驗

沙痕。從今更浚源頭水。

〔荀子〕君子養源。源濇則流清。

莫待投膠與救渾。

投膠。解見送鄭獻可。

潮溪夜漁

昨夜寒潮與此通。荒溪尙趁百川東。行依柏樹林頭月。釣拂蘆花嶼畔風。插竹侵沙魚扈短。篝燈映草蟹

碕空。太公遠矣吾將隱。赤鯉何書在腹中。

二句。解見傳子建夢得句。

南江夕照

偶出官橋倚落曛。詩家觸景漫紛紛。彈琴在缺驚聞瀑。

〔類函〕順天府居庸關。水流石罅。聲若彈琴。〔食檮詩〕寒泉飛玉峽。誰彈使成聲。

罷畫爲溪喜

得雲。竹篠晚深樵弛擔。莎根秋短牧歸羣。道旁更有枌榆社。

〔西京雜記〕高祖小時。嘗祭枌榆之社。及移新豐。亦還立焉。

欲脫簑衣藉酒醺。

東嶺秋陰

幾點晴雲著樹梢。寒山蒼莽類城壕。雞豚日落聲相接。鶴鶴風涼勢自高。小徑殘榛分嶺脊。平疇淨綠帶溪毛。朝來雨足多秋意。井上無人事桔槔。

〔莊子〕不見桔槔乎。引之則俯。舍之則仰。故俯仰而不得罪於人。〔說文〕桔槔。汲水器。

深褒江源

〔按〕志。深褒山。在縣西南五十里。重巖複嶺。峭拔千仞。其下溪流清澈。即浦陽深褒所出也。

半遶山根但一窪。真源鑿破杳無涯。清澄灌或於陵圃。

句解見和陶淵明。

窈窕尋猶博望槎。

〔前漢書〕張騫封博望侯。〔癸辛雜識〕乘槎之事。自唐

諸詩人以來。皆以爲張騫。雖老杜用事不苟。亦不免有乘槎消息近。無處問張騫之句。按騫本傳。止曰漢使窮河源而已。及梁宗懷作荊楚歲時記。乃言武帝使張騫使大夏。尋河源。乘槎。見所謂織女牽牛。不知懷何所據而云。積雨衝隄。蝸自國。〔莊子〕有國於蝸之左角者。曰觸氏。有國於蝸之右角者。曰蠻氏。時相與爭地而戰。伏尸數萬。逐北旬有五日而後反。微煙暮渚。鷺專沙。欲行復坐。皆雲水。只屬騷人與釣家。

〔王維〕

時。行到水窮處。坐看雲起時。

昭靈仙跡

一掌嵯峨是玉京。

〔魏書釋老志〕老子上處玉京。爲神王之宗。下在紫微。爲飛仙之主。

連峯欲向鼎湖傾。

鼎湖。解見。汜道隆觀。

高張黼座龍隨下。靜擁珠屏

虎獨行。白雪松扉雙立影。清風藥井倒吹聲。

〔焦氏類林〕葛仙翁於西峯石壁白中搗藥。遣一栗許。有飛禽食之。遂不死。至今夜靜。月白風清。其禽作丁當杵臼之聲。名曰搗藥鳥。

長歌爲

問西王母。卻把荷花與送迎。

〔拾遺記〕西王母進穆王崑流素蓮一房百子。浸冬而茂。

宋景濂鄭仲舒同遊龍湫五洩予病不能往爲賦此

龍湫。解見題清節處士卷五洩。解見觀遇仙記。

知爾能攜一短筇。寺前突帆定何峯。九天管籥來飛鶴。

九天。解見二月六日雨。

三島樓臺守蟄龍。

解見揚子江頭。又互見浦陽十景之龍峯孤塔。

閑欲嘯歌先目往。病嫌登陟轉身慵。西源山石東源水。

〔宋濂五洩山志〕由過龍橋北行二十步入西潭。潭前橫一溪。水甚寒。由唐靈默禪師道場北。深入百餘步。至東潭。潭上飛瀑可

二十丈。〔宋刁約詩〕東源西盡到東源。直注懸崖五磴泉。

豈但渠家有赤松。

〔列仙傳〕赤松子。神農時雨師也。服水玉。教神農。能入水不濡。入火不燒。至崑崙山西王母石室中。隨風雨上下。炎帝少女追之。亦得仙去。〔又〕晉黃初平。亦

號赤松子。

滄州

〔按〕志後魏置。今屬直隸河間府。

荒亭貰酒壯心遠。目極東州霧雨微。百里齊封滄海接。千年禹跡濁河非。暗塵掉馬呈金轡。衰草看羊着錦衣。猶記上元鳴鼓夜。滿船燈火越歌歸。

次韻吳正傳觀柳林罷獵

〔方輿紀略〕柳林在灤縣西。元至元十八年。如灤州。又如柳林是後以柳林爲遊畋之地。

又見天星動羽林。

〔星經〕羽林軍四十五星。三三而聚。散在營室之南。天軍也。主軍騎。又主翌王也。星衆而明。則安寧。〔天皇會通〕羽林軍鄉遂之兵。較閱而不調用。

東風罷獵總駸駸。麒麟翦

屬雕鞍密。

〔漢書注〕屬織毛若今毼。及毼毼之屬。麒麟屬所織。〔唐書〕代宗詔曰。所織盤龍對鳳。麒麟獅子等錦綺。並宜禁。

翡翠翻裙彩仗深。

〔說文〕翡翠。青羽雀。出鬱林。〔禽經注〕其羽直千金。

三月

宜春多別館。

〔漢宮闕名〕長安有宜春館。〔庚信春賦〕宜春苑中春已歸。

百年正始自遺音。

〔晉書衛玠傳〕何晏好莊老。作道德論及文賦。王洵好論儒道。文詞不如晏。天下翕然宗之。名理盛行。後晉衛玠與王敦相

見。敦謂謝鯤曰。昔王輔嗣吐金聲於中朝。此子復玉振於江表。微言之緒。絕而復續。正始之音。

相如縱有千金賦。未必君王肯幸臨。

〔司馬相如長門賦序〕武帝陳皇后時。得幸頗妬。別在長門宮。愁悶悲思。閉相如

工爲文。奉黃金百觔。爲相如文。君取酒以懽主上。復得親幸。

次韻吳正傳都城寒食

寒食。解見吉祥寺。

悠然獨酌舞春衫。

〔隱鑑詩〕鶯啼歌
扇後花落舞衫前。

手障黃塵客未諳。鐵騎引駝沙草北。

〔後漢書〕公孫瓚與子書曰。屬五千鐵騎於北之中。〔按〕鐵騎馬之帶甲者。

〔廣志〕天竺以北多駱駝。

〔前漢匈奴傳〕胡地沙鹵多。

雕隲驚鴈塞雲南。

〔淮南子〕鴈衡廬而翔。以避弋繳。〔山海經〕鴈門山在高柳北。〔注〕山有大鴈。集其中曰鴈寨。南不過衡山。衡山旁有峯曰回鴈。蓋鴈水鳥。衡山多山故也。

太平天子回中望。

〔史記〕始皇巡隴西北地。出雞頭山。過回中。〔注〕應劭曰。在安定高平。孟康曰。回中在北地。〔括地志〕回中在雍州西四十里。漢武帝元封間。因至雍通回中。

齊國先生稷下談。

〔魯連子〕齊之辨者曰田巴。辨於俎丘。而議於稷下。毀五帝。罪三王。服五伯。離堅白。合同異。一旦而服千人。〔七略〕齊有稷城門也。齊談說之士。期會於稷下者甚衆。

猶有七香車幾兩。

〔魏武與楊彪書〕今贈足下四望通憲七香車二

牛二頭。曉來風雨定誰驂。

柳博士自太常出提舉江西儒學來訪宿山中二首

一掃空山鹿豕蹤。

〔孔叢子〕子高遊趙。趙有郗文。李節爲友。及別。文節流涕交頤。子高惟握手而已。分袂就路。其徒問之子高曰。人生有四方志。豈鹿豕哉。而常羣衆乎。

車如流水馬如龍。

〔後漢書〕明德后詔

曰。吾前過濯龍門上。見外家問起居者。車如流水。馬如游龍。

黃麾法仗知宸輦。

解見畫馬行。

青史勳名問景鐘。

〔江淹書〕並圖青史。〔國語〕晉魏顆以其身退秦師於輔氏。其勳銘於景鐘。〔唐韓愈詩〕

不使勳名上景鐘。

宣室受釐端有召。

〔前漢賈誼傳〕帝召誼入見。方受釐。坐宣室。因問鬼神之本。誼具道其故。至夜半。帝前席既罷。曰。吾久不見賈生。自以爲過之。今不及也。

曲臺傳禮尙爲容。

解見歲晚

懷載

少年作賦將投獻，東北孤雲是岱宗。
〔書〕歲二月，東巡狩至于岱宗。〔韓愈集序〕學者仰之如泰山崩斗。〔杜甫詩〕西北有孤雲。

二

尙有歐曾舊典刑。

〔宋史〕歐陽修字永叔，廬陵人。曾鞏字子固，南豐人，俱屬江西。〔詩〕雖無老成人，尙有典型。

森然人物照青冥，身從北闕攀燕柱。

〔古今詩話〕寶禹鈞有子

五人儀儼，儒侃仁俱登第，馮道贈之詩曰：燕山

寶十郎，教子以義方，靈椿一枝老，丹桂五枝芳。

夢壓西江食楚萍。

〔家語〕楚昭王渡江，江中有物，舟人取之，羣臣莫之能識。王使使問於孔子，孔子曰：此所謂萍實者也。昔童謠曰：楚王渡江得萍

實，大如斗，赤如日。

萬里羣袍春值雪。

〔詩〕羣衣如裘。〔注〕天子大夫服羣冕以巡行。

千年龍劍夜占星。

解見送鄭獻可

此身恨不輕簪笈。

〔史記〕虞卿跣

隨擔簦。〔又〕

的的根源在一經。

蘇秦負笈從師。

得大人書喜聞秋末自散不刺復回大都賦寄宣彥高

〔元地理志〕大都路，唐幽州，范陽郡，遼改燕京，金遷都爲大興府，元太祖克燕初爲燕京路，總管大興府，世祖至

元元年，中書省臣言開平府闕廷所在，加號上都，燕京分立省郡，亦乞正名，遂

改中都，其大興府仍舊，四年始於中都之東北置金城而遷都焉，九年改大都。

一紙江南到屋屏，高秋漠北奉宮闈，金微駐蹕踰唐塞。

〔後漢紀〕寶憲遣左校尉耿夔出居延塞，圍北單于於金微山。〔唐地理志〕羈糜州有金微都督府，隸安北都護府。

鐵

勒鳴弭接漢畿。

鐵勒即勒勒解見蒲州。僕固懷恩傳貞觀十二年鐵勒九姓大酋領率衆降分置瀚海、燕然、金微、幽陵等九都督府。

縣叢行朝因贊玉。

縣叢解見柳博士出示。書五玉、三帛、二生、一死贊。

躡林望祭類游衣。

躡林地名。前漢匈奴傳注服虔曰匈奴秋社八月中會祭處師古曰躡者繞林而祭也。晉書通鑑漢惠帝以朝長樂宮數蹕煩民乃築複道武庫南叔孫通諫曰此高帝月出游衣冠之道也子孫奈何。樂宗廟道上行

哉。注高寢在高廟西高帝衣冠藏焉每月一出之游於高廟。

明年草賦呈親去想像汾陰扈從歸。

通鑑漢文帝治汾陰廟。西京雜記漢朝與駕祠甘泉汾陰備千乘萬騎太僕執轡大將軍陪乘汾陰

今山西

汾州府。

次韻柳博士五洩山紀遊四首

五洩山見觀齊謝玄卿遇仙記。

首路東岡幾屈蟠。青天東峽望來慳。林多鹿豕山爲國。瀑有蛟龍海共寰。客子杖藜依樹石。神仙樓閣幻

茅管。吾知此處宜招隱。詎減淮南大小山。

解見早秋偶然作。

二

日曉行呼野鶴羣。山溪五級洗巖氛。虹霓射壁從空現。霹靂搜潭到地聞。

爾雅注雷之急激者爲霹靂。易雷出地奮。

桑芋茶鐺

遺凍雪。

高士傳唐陸羽字鴻漸隱居苕溪自號桑苎撰茶經三卷其論煮有云如菊英墮於樵俎之中。餅者以滓煮之及沸則重華果沫。蟠蟠然如積雪耳。蘇賦所謂煥如積雪。燁若春敷有之。

倥傯藥杵落晴雲。

解見山中。

飄然早已同仙術。老我曾探嶽瀆文。

〔漢武內傳〕帝見王母巾笈中有一卷書。盛以紫錦之囊。帝問此書是仙靈方邪。不審得瞻盼否。王母曰。此五嶽真形圖也。昨青城諸仙就吾請求。今當過以付之。豈汝穢質所

宜佩乎。帝固請不已。王母曰。昔上皇清虛元年。三天太上道君。下觀六合。因山源之規矩。視河嶽之盤曲。陵迴阜轉。山高隴長。周旋逶迤。形似書字。諸仙佩之。皆如傳章。道士執之。經行山川。百神羣靈。尊奉親近。汝雖不正。然數訪仙澤。欣子有心。今以相與。當深奉愼。如事君父。泄示凡夫。必禍及也。

三

一點剛風削玉蓉。

剛風解見泰山高。

仙山肺腑闕重重。眼穿上界成官府。

句解見星君像圖。

舌捲西江得祖宗。

〔傳燈錄〕廣居士蘊參馬祖

云。不與萬法爲侶者。是什麼人。祖曰。待汝一口吸盡西江水。即向汝道。〔又〕六祖謂南嶽曰。向去佛法從汝邊去。馬駒踏殺天下人。厥後江西遂傳法廣布於天下。時號馬祖。

鷲嶺雞峯渾未到。

〔水經注〕靈鷲山胡語云。耆闍窟山。是山青

石。遠望如鷲鳥形。因名。〔法華經〕耆闍窟山。山形如鷲。佛嘗居此中。故號鷲嶺。〔釋典〕世尊曾在野鹿苑中。爲鹿王教主。羣鹿無擾。王造伽藍。名雞園。昔有野火燒林。林中有雉入水。漬羽以救其火。即雞頭摩寺。

龍湫鴈蕩豈多逢。解見

題清節處士卷。

年來臥病吾環堵。

〔莊子〕原思居魯環堵之室。茨以生草。蓬戶不完。桑以爲樞。而甕牖二室。褐以爲塞。上漏下溼。匡坐而絃。

負卻詩家九節筇。

〔真譜〕楊義夢蓬萊仙翁柱赤九節杖。

而視白龍。

四

古越名山最阻修。遙空縛下紫金虬。孫生隱在聞長嘯。

解見夕泛海東。

屈子騷成賦遠遊。

〔楚辭注〕離騷經者。屈原之所作也。原與楚同姓。仕於懷王。

被讒憂心煩亂。不知所訴。乃作離騷遠遊者。原既放悲嘆之餘。眇觀宇宙。作爲此篇。

魚鳥從容還自得。

〔晉書嵇康傳〕山濤將去。選官舉康自代。康與書曰。遊山澤。觀魚鳥。心甚樂之。一行作吏。此事便廢。安能舍其所樂。而從其所懼哉。

龍蛇混雜不同流。自今便欲鑄崑石。俗駕能來尙掩羞。

范蠡宅

解見憶寄方子清。

淡淡寒雲鶴影邊。荒山故宅忽千年。大夫已賜平吳劍。

〔文種傳〕種字子禽。句踐平吳。乃賜種劍。遂自殺。

西子還隨去越船。

〔越絕書〕西施亡吳國。

後復歸范蠡。同泛五湖而去。

白日撐空留罔象。

罔象。解見觀張循王戰處。

青松落井化蜿蜒。徒憐此地無章甫。只解區區學計然。

〔禮〕孔子衣縫掖。

之衣。冠章甫之冠。〔前漢貨殖傳〕越王困於會稽之上。用范蠡計然。十年國富。厚賂戰士。遂報強吳。刷會稽之恥。范蠡嘆曰。計然之策。十用其五而得意。既以施國。吾欲施之家。適乘扁舟。浮江湖。變名姓。適齊爲鴟夷子皮。之陶爲朱公。治產積居。與時逐。十九年之間。三致千金。而再分散於貧友昆弟。

寄吳正傳

日晚天寒攬敝裘。西南目盡激江流。養生有盡空成嬾。

〔晉書嵇康傳〕康恬靜寡慾。長好莊老。修養生服食之事。彈琴咏詩。自足於懷。以爲神仙。聚之自然。非積學所得。至於導養得理。

則安期、彭祖之倫。

招隱無騷卻好遊。

解見早秋。偶然作。

鴈鵠吟風燈照機。蛟龍躍雪劍鳴鞬。平生自笑飛騰暮。幸矣心

可及。乃著養生論。

猶與道謀。

觀唐沈汾續仙傳

手展仙書向此朝。起予俗病對芭蕉。室間半夜雲璈動。

〔真仙通鑑〕漢武帝好長生之道。清齋百日。焚香宮中。夜二唱後。白雲起於西南。鬱鬱而至。王母乘紫雲之輦。駕五色斑龍。天姿

奄靄。眞靈人也。下車。二女扶持登牀。東向而坐。帝拜跪。問寒溫。侍立良久。呼帝賜坐。設以天廚。命王子登彈八琅之璈。董雙成吹雲和之。笙石公子擊昆廷之玉。許飛瓊鼓震靈之簧。婉凌華拊五靈之石。范成擊湘陰之慶。段安香作九天之鈞。法嬰歌玄靈之曲。

富

縫千年雪髓消。

〔神仙傳〕王烈入太行山。忽見山坡石裂。青泥流出如髓。烈取食之。如飴。餘半欲與嵇康。凝而爲石。烈嘆曰。叔夜志趣非常。而輒不遇。命也。

閑說茅龍騎太白。賸聞元鶴降仁

嬌。秦車漢輦窮天下。望斷蓬萊併寂寥。

〔史記封禪書〕始皇東遊海上。求仙人美門之屬。方士徐市等上書。請得與童男

後五年。始皇南至湘山。遂登會稽並海上。冀遇海中三神山之奇藥。不得。還至沙丘。崩。〔又〕漢武帝既封太山。方士或言蓬萊諸神。若將可得。上乃東至海上。遣方士求神仙采芝藥以千數。追封禪過於五岳四瀆。而方士之候祠神人入海求蓬萊。終無有驗。而天子益怠。

厭方士之

迂怪語矣。

寄喻輔國張宜之

手挾殘篇只蠹塵。山林着我。最閑身。槁梧可據。瞑須熟。

〔莊子〕據槁梧而瞑。

華黍雖亡。補欲真。

〔晉書〕束皙字廣微。陽平人也。嘗覽周成王詩。有

其義亡其辭。惜其不備。故作辭以補之。乃南陔。白華。華黍。由庚。崇丘。由儀六篇。

危坐但看燈作暈。遠游還覺劍生鱗。相思正是多風雨。

〔按〕詩序風雨。思君子也。

滄海

無涯可問津。

淵穎集卷十一

題畫墨梅

北風吹倒人。古木化爲鐵。一花天下春。萬里江南雪。

〔荊州記〕陸凱自江南遣使寄梅一枝詣長安與范蔚宗併詩一絕云折梅逢驛使寄與隴頭人江南無所有聊贈一枝春

讀諸子二十四首

鬻子

〔按〕鬻子名能楚人周文王之師也年九十見文王王曰老矣鬻子曰使臣捕獸逐藥已老矣使臣坐策國事尙少也文王師焉著書二十篇名曰鬻子遭秦火故多殘缺

嗟嗟父后師下及周公政豈待戰無爲戎衣天下定

老子

〔按〕老子姓李名耳字伯陽諡曰聃周守藏室之史也孔子嘗問禮焉周衰西遊遇關令尹喜於散關強爲著書乃著書上下篇言道德之意五千餘言而去

何年守藏吏默默與道居玄牝儻不死

〔道德經〕谷神不死是謂玄牝〔注〕谷謂虛而能受神謂無所不應玄妙也牝有所受而能生物言至妙之理有生生之意

青牛空著書

文子

〔按〕文子姓辛名研葵丘濮上人號曰計然范蠡師事之本受業於老子錄其遺言爲十二篇

大道終自然。王家始多難。益人不在賢。卜鼎年已半。

亢倉子

〔按〕亢倉子，姓庚，桑名楚，周靈王時人，得老聃之道。秦景王將示強兵於天下，聘亢倉子賓於上館，與談兵事。

不仁爲人害。仁反愁我身。

〔莊子庚桑楚〕南榮越曰：不知乎？人謂我越愚。知乎？反愁我軀。不仁則害人，仁則反愁我身。不義則傷彼，義則反愁我已。我安逃此而可？此三言者，越之所患也。毋爲小堯舜，有

愧猖狂民。

〔又〕大亂之本，必生於堯舜之間，其末存乎千世之後。

管子

〔按〕管仲，夷吾，潁上人也。事齊公子糾，及小白，糾死，管仲囚焉。鮑叔薦之，桓公遂以爲相。

不忘中帶鉤。解縛堂阜下。徒知領一鄉。

〔解見觀管子內業〕

劍戟試狗馬。

慎子

〔按〕慎子名到，趙人，學黃老道德之術，因發明序其指意，著十二論，劉向所定，有四十一篇。

徒聞處士議。未有救時功。爲賢倘不尙。淪沒草萊中。

公孫龍子

〔按〕公孫姓，龍名，字子石，孔子門人，平原君之客，六國時辯士也。

同異旣莫辯。堅白何由分。徒將臧三耳。驚倒平原君。

〔通鑑前編〕公孫龍善爲堅白同異之辨。平原君客之。孔子之玄孫穿，自魯適趙，與龍論臧三耳。龍甚辨折，穿弗應。平原君問之，穿曰：

幾能令臧三耳矣。然謂三耳甚難。而實非也。謂兩耳甚易。而實是也。平原君謂龍曰。公無復與孔子高辨士也。其人理勝於辭。公辭勝於理。辭勝於理。終必受屈。

列子

〔按〕列子。名禦寇。周時鄭人。先莊子生。唐天寶初。冊爲沖虛真人。宋加勅加至德二字。書名沖虛真經。

眞夢本非夢。萬事蕉下鹿。力命每相持。

解見病起讀列子。

御風身乃足。

解見泊道隆觀。

莊子

〔按〕莊子。蒙人也。名周。嘗爲漆園吏。著書十餘萬言。

其書雖瓌璋。其言乃參差。自齒百家學。仲尼何可欺。

孫子

〔按〕孫子。武者。齊人也。以兵法見吳王闔廬。有孫子十三篇。

用兵捷如神。四國莫予侮。宮中斬愛姬。

〔史記〕吳王出宮中美女。得百八十人。孫子分爲二隊。以王之寵姬二人。各爲隊長。皆令持戟。約束既布。即三令五申之。於是鼓之。右。婦人大笑。復三令五申之。鼓之。

左。婦人復大笑。乃遂斬隊長二人。以徇。用其次爲隊長。皆中規矩。

取勝在柏舉。

〔左傳〕師陳於柏舉。吳大敗楚師。遂入郢。

尉繚子

〔按〕尉繚子。魏人。司馬錯也。鬼谷高弟。隱於夷山。魏惠王聘。陳兵法二十四篇。

勤兵既有令處戰豈無權

〔制談篇〕民非樂生而惡死也號令明法制審故能使之前明賞于前次罰於後是以發能中利勤則有功〔攻權篇〕凡將能畏其道吏畏其將也吏畏其將者民畏其吏也民畏其吏者敵畏其民也

故知勝敗之道者必先知畏侮之權 事功不見世徒說尉秦年

吳子

〔按〕吳起者衛人也好用兵嘗學於曾子所著書皆兵制

儒服說兵機愛兵如愛子

〔史記〕起爲將臥不設席行不騎乘親裹贏糧與士卒分勞苦卒有病疽者起爲吮之

能勸魏侯德終隨楚王死

〔又〕魏武侯浮西河而下中流顧謂起

曰美哉山河之固此魏國之寶也起對曰在德不在險〔又〕起奔楚悼王任以爲相楚貴戚盡欲害吳起及悼王死攻起殺之

尹文子

〔按〕尹文子出於周之尹氏齊宣王時居稷下與宋鈃田駢彭蒙同學於公孫龍

人仁國無功人勇國無法名實兩俱存何從操賞罰

墨子

〔按〕墨子名翟周平王時人以兼愛名家著書多古奇字

節用禮益奢非攻戰愈多

〔史記〕墨翟宋大夫善守禦爲節用

堯舜病博施其如兼愛何

鄧析子

〔按〕鄧析子，鄭人，好刑名，撰竹刑之書，數離子產之法，因受戮，著書四篇，漢劉歆復校爲二篇。

陰陽或爲當，天地豈無厚，身殺道不行，竹刑果何有。

荀子

〔按〕荀卿，趙人名況，仕齊，三爲祭酒，適楚，春申君以爲蘭陵令，著數萬言而卒。

稷下三祭酒，蘭陵陳詭詩，剛道人性惡，坑儒將自茲。

〔史記〕始皇使御史案問諸生，皆訖之咸陽。

商子

〔按〕商君，姓公孫，名鞅，衛庶孽公子也，使於秦，因景監以仕孝公，封於商，著書二十九篇，名商子。

小夫太多端，秦法日已變，咄哉文武都，在德不在戰。

韓非子

〔按〕韓非者，韓諸公子也，與李斯事荀卿，喜刑名法術之學，見韓削弱，數以書諫王，王不用，於是著書十餘萬言，後秦攻韓，得非，因李斯之毀，下獄，令自殺。

羈臣用密策，身死不得保，意將取邯鄲，宗國已如掃。

孔叢子

〔按〕孔叢子，名紺，字子魚，孔子九世孫，魏相子順之子，秦并六國，拜爲少傅，李斯譏焚書，紺懼遺典之滅亡，乃與弟子藏書壁中，隱居嵩山之陽，無何，陳涉起楚，聘爲博士，紺退而著書，謂之連叢，上下篇，曰孔叢子，蓋言有善而叢。

聚之也。

子思言仁義不愧素王孫。

〔莊子〕虛靜恬淡寂寬無爲者萬物之本也。明此以南鄉。楚之爲君也。明以以北面。舜之爲臣也。以此處上。帝王天子之德也。以此處下。立聖業王之道也。

王風委戰國。賴有

壁書存。

淮南子

〔按〕淮南子劉安淮南厲王長子也。襲封招諸儒方士。講論道德。著書二十一篇。號曰鴻烈。

淮南招九流。

〔按〕漢書藝文志。儒家者流。出於司徒之官。道家者流。出於史官。陰陽家者流。出於羲和之官。法家者流。出於理官。名家者流。出於禮官。墨家者流。出於清廟之官。縱橫家者流。出於行人之官。雜家者流。出於議官。農家者流。出於農稷

之官。此九流之大旨也。

好道不能一空讀方士書。寧知左官律。

〔程大昌演繁露〕古人得罪下遷者。皆曰左遷。漢法。仕諸侯者。名爲左官。

揚子

〔按〕揚子名雄。成都人。著法言。以象論語。學太玄。以擬易經。詞賦無所不通。仕葬爲大夫。作劇秦美新。及葬誅時。雄校書天祿閣。懼而投死。史稱葬大夫云。

法言準論語。三世不徙官。

解見和陶淵明。

草玄固自好。美新良獨難。

劉子

三光正分裂。世事有不遇。雖通百家言。尙著六合賦。

文中子

〔按〕文中子王通。字仲淹。隋文帝朝。陳十二策不用。退而教授河汾。從遊者千人。

續書不到秦。元經猶數魏。徒操虞氏琴。孰識河汾意。

聲隅子

瑣微論之妙。歎歎哀之深。五代干戈際。千年鄒魯心。

淵穎集卷十二

鄴州二首

〔元史〕元初爲大興府屬縣。至元十三年。陞鄴州。今屬順天府。

四月一日尙絳衣。知是故鄉花片飛。白頭慈母倚門久。

〔史記〕潘王從者王孫賈。失王處而歸。其母曰。汝朝出而不歸。則吾倚門而望。暮出而不歸。則吾倚閭而望。汝今事王。王走。汝不

知其處。汝尙何歸焉。

目斷天南無雁歸。

二

數株楊柳弄輕煙。舟泊鄴州河水邊。牛羊散野春草短。敕勒老公方醉眠。

〔北齊書〕斛律金勅勒歌曰。勑勒川。陰山下。天似穹廬。蓋四野。天蒼蒼。野茫

茫。風吹草低見牛羊。〔通鑑〕唐太宗如靈州。遣李世勣擊薛延陀。討平之。勑勒諸部遣使請吏。詔以爲州縣。〔按〕勑勒。元魏時號高車部。後別爲十五部。總號勑勒。又號鐵勒。

題趙大年林塘秋晚圖

〔國繪寶鑑〕趙令穰字大年。宋宗室。游心經史。戲弄翰墨。尤得於丹青之妙。所作甚清麗。雪景類王維筆。汀渚水鳥。有江湖意。又學東坡作小山菴作。思致殊佳。

老景青黃筆底收。晴鳬冷鴈共汀洲。王孫畫學空花竹。不到銅駝陌上秋。

〔竹書〕案靖指宮門銅駝。曰會見汝在荊棘中爾。

題李西臺真蹟

去歲昭陵瘞帖空。

〔勝蘭亭序〕貞觀二十三年太宗不豫。臨崩謂高宗曰。吾欲從汝求一物。汝誠孝也。豈能違吾心耶。高宗哽咽流涕。引耳而聽。受制命。太宗曰。吾所欲得蘭亭。可與我將去。後用玉匣貯之。藏於昭陵。

西臺筆力

到江東。知渠尙賴毛錐子。氣壓長槍大劍中。

〔五代史史弘肇傳〕安朝廷。定禍亂。直須長槍大劍。毛錐子安足用哉。

題米元暉青山白雲圖

〔圖繪寶鑑〕米友仁字元暉。元章之子。能傳家學。作山水清致可掬。略變其父所爲。成一家法。煙雲變滅。林泉點綴。草草而成。不失天真。意在筆先。正是古人作畫妙處。每自題其畫曰墨戲。晚年多

於紙上
作之。

一簇空濛杏鵲間。嘉花穴葉闌珊斑。若爲看盡雲生滅。還我青然萬古山。

